

# 永樂大典

卷一萬五千八百

七十四

永樂大典卷之一萬五千八百七十四 九震

論 十住毗沙論四

共行品第十八。問曰。汝言當說在家出家菩薩。共行法。今可說之。答曰。忍辱法。施法。忍思惟。不曲法。尊重法。不障法。供養法。信解。修空。不貪壞。隨所說行。燈明施。仗樂施。乘施。正願攝法。思量。利安。東生等心。於一切。此是在家出家。共行要法。是故偈說。行忍身端嚴。法施知宿命。法忍得總持。思惟獲智慧。於諸法不曲。常得正憶念。行忍得端嚴者。能忍惡言罵詈。咒誓繫縛。刀杖拷掠榜笞。心不動異。恚能堪受。如是忍辱。所獲果報。生於人天。常得端正。後成佛時。相好無比。法施知宿命者。行法施者。能知過去無量劫事。法施名為種種分別。聲聞乘。辟支佛乘。佛乘。解說義理。法施果報。雖有三十五要者。知宿命說法因緣。斷人所疑。是故得知宿命法。忍得總持者。法名應空。無相無願。應六波羅蜜。菩薩諸地。一切菩薩所行之法。曉了明解。心能忍持。名為法忍。行是忍。則得總持。總持名為如所聞經。如所讀誦。其中義趣。乃至百千萬劫。終不忘失。思惟得智慧者。思惟名為籌

永樂大典卷之一萬五千八百七十四

一

量善法。分別義趣。是故能得。今世後世。利益不曲。心得正念者。不曲。名為質直無曲。修行此法。則於一切法中。得堅固念。復次。重法。法則堅。不障。得守護。供養法。值佛。信解。捨諸難。重法則堅者。若人尊重恭敬於法。法則堅固。堅法名為所受持。習學之法。自然牢堅。不可動轉。後成佛時。多有菩薩聲聞弟子。住是堅固法。無能障其所受法者。又堅名為法。得久住。不障。得守護者。若人說法。及人聽法。不橫與作障礙之事。後成佛時。諸天世人。共守護法。未得佛道。常能護持。諸佛正法。諸佛滅後。守護遺法。方能至於後佛出世。以是因緣。菩薩聲聞。皆應盡心。善守護法。供養法。值佛者。供養名為恭敬。諸法。法施法會。敬心供養。說法之人。說法座。起立禪坊。在校嚴飾。諸法之處。如是深心。愛樂供養。法因緣。故得值諸佛。以信解。捨諸難者。信名於諸善法。深生欲樂。以是法故。得離八難解者。能滅諸罪。能於諸善法中。以心力。故隨意而解。如十一切入。隨意所解。若人多有信解力者。能滅無始生死。已來無量罪惡。如先悔過品中說。復次。修空不放逸。不貪。得成利。隨說滅煩惱。燈施得天眼。修空不放逸者。修有二種。得修。行修。修空力故。信有為法。皆是虛誑。亦不住空。諸法無定。是故常自攝斂。心不放逸。不貪。得成利者。貪名於他物中。生貪取心。若除是事。所求皆成。所願皆

永樂大典

卷一五八七四

滿。隨說滅煩惱者。隨有所說。身即行之。則斷煩惱。於諸事中。皆如說行。世  
 世已來。諸煩惱氣。常熏其心。則皆除滅。轉諸煩惱。惡氣習性。燈施得天眼  
 者。若人然燈供養佛。聲聞辟支佛。及塔像舍利。以是因緣。得天眼報。復次。  
 樂施天耳報。以正願淨土。乘施獲神足。攝法得具僧。樂施得天耳報者。  
 於大法會。作諸音樂。供養於佛。得天耳報。乘施得神足者。乘名鞞摩象馬  
 等乘。復有人言。以履屐等施。亦得神足。以正願淨土者。隨以所願。取清淨  
 土。若金銀頗梨。珊瑚琥珀。碎磔瑪瑙。無量眾寶。清淨國土。攝法得具僧者。  
 若菩薩具足行四攝法。得具足僧。以布施愛語。利益同事。攝取眾生故。後  
 成佛時。得清淨具足。無量菩薩僧。及聲聞僧。如阿彌陀佛。有二種僧。清淨  
 具足。願具足者。如先十願中說。復次。利益眾生故。一切所受敬。平等心無  
 二。得為最勝者。若菩薩以身口意業。有所作。皆為利益安樂眾生。是故  
 眾生。皆悉敬愛。若菩薩於諸眾生。慈觀中人。行平等心。不捨一切眾生。以  
 是業報。得為最勝。勝名能勝貪欲。瞋恚。愚癡。一切煩惱。惡法。故名為佛。問  
 曰。人皆俱有眼耳鼻口等。無有異。云何得知是佛。答曰。佛有三十二大人  
 相。有是相者。當知是佛。在家出家。應當分別了。知三十二相。是相以何法  
 得是相。以何業得是相。是業亦應當知。何以故。欲得功德。當知是相。欲得

永樂大典卷萬五千五百

是相。當知是業。問曰。如此事者。於何得解。答曰。於法相品中。一相三分別。  
 阿毗曇三十二相品中。一一相有三種分別。悉應當知。問曰。云何為一  
 一相有三種分別。答曰。一說相體。二說相果。三說得相業。手足輪相等先  
 已說。轉輪聖王亦有是相。諸菩薩亦有是相。餘人亦有。但不如耳手足輪  
 者。手足掌中。有十輪輪具足。明了如印文現。足安住不動。名足安立相。履  
 網更薄。猶如揚玉。畫文明了。如真金縷故。名手足網相。柔爽猶如兜羅樹  
 綿。如嬰兒體。其色紅赤。勝餘身分。名高手足柔爽相。手掌足下。頭上兩腋。  
 七處俱滿故。名七處滿相。脰指纖腠故。名長指相。足跟長廣故。名足跟廣  
 相。身長七肘不曲故。名身直大相。足上隆起故。名足趺高相。毛上向右旋  
 故。名毛上旋相。臍踣漸鹿如伊泥鹿踣故。名鹿踣相。平立兩手摩膝故。名  
 長臂相。如寶馬寶象。陰不現故。名陰藏相。第一金色光明故。名金色相。皮  
 更如成鍊金。不受塵垢故。名皮薄細密相。一一孔一毛生故。名一一毛相。  
 眉間白毫光。如珂雪故。名白毛相。如師子前身廣厚得所故。名師子上身  
 相。有圓大故。名有圓大相。腋下平滿故。名腋下滿相。舌根不為風寒熱所  
 壞故。善分別諸味。餘人不令故。名知味相。身縱廣等如尼俱樓樹故。名  
 圓身相。肉髻圓鬣。右旋上旋故。名肉髻相。舌如赤蓮華。廣長而薄故。名廣

長舌相。聲如梵王。迎陵頻伽鳥故。名梵音相。頰圓廣如鏡故。名師子頰相。齒白如珂。如君塔華故。名齒白相。平齊不參差故。名齒齊相。齒密緻不疎故。名具足齒相。齒上下相當故。名四十齒相。眼白黑分明淨無赤脉故。名紺青眼相。睫不交亂。上下俱明。不長不短故。名為牛王睫相。於諸所尊。迎送恭敬。於塔寺中。大法會處。說法處。供給人使故。得手足輪相。有是相故。在家作轉輪聖王。多得人民。出家學道。多得徒眾。所受諸法。堅持不捨。故。得安立足相。有是相故。無能傾動。常修四攝法。布施愛語。利益同事。故。得手足網縷相。有是相故。速攝人眾。以諸香甘美。更飲食。供施於人。及諸所尊。供給所須。故。得手足柔栗相。及七處隆滿相。有是相故。多得香甘美。更飲食。救免應死。及增壽命。又受不殺戒。故。得纖長指相。足跟滿相。身大直相。有是相故。壽命長遠。所受善法。增益不失。故。得足跌高。毛上向右旋相。有是相故。得諸功德不退失。能以技藝。及諸經書。教授不惜。及履屐等。施故。得伊泥鹿蹄相。有是相故。諸所修學。疾得如意。有求求索。無所遺惜。故。得傭長臂相。有是相故。能得勢力。能大布施。能善調力。不令眾生。親里遠離。若有平離。還令和合。故。得陰藏相。有是相故。多得弟子。以好淨潔衣服。眼小。具樓閣房舍。施故。得金色相。及皮膚薄相。有是相故。得好淨潔衣服。

永樂齋卷五第十

卧。具樓閣房舍。隨所應供養。和上阿闍梨。父母兄弟。及所尊重。善能衛護。故。得一孔一毛生。毛右旋相。白毫莊嚴面相。有是相故。無與等者。慙愧。隨順語。愛語。得上身如師子相。有圓大相。有是相故。見者樂視。無有厭足。供給疾病。醫藥飲食。身自看視。故。得腋下滿相。得味相。相有是相故。身少疾病。布施園林。甘果橋梁。茂樹池井。飲食華香。瓔珞房舍。起塔福舍等。及共來施時。能出多物。故。得身如尼俱樓樹相。及肉髻相。有是相故。得尊貴自在。長夜修習。實語。更語。故。得廣長舌相。梵音聲相。是有相故。得五功德音聲。五功德音聲者。易解聲。聽者無厭聲。深遠聲。悅耳聲。不散聲。長夜實語。不綺語。故。得師子頰相。有是相故。言必信受。初既供養。後不輕慢。隨意供給。故。得齒白相。齒齊相。有是相故。得清淨和順同心眷屬。長夜實語。不謗謗。故。得四十齒相。齒密緻相。有是相故。眷屬和同。不可沮壞。深心愛念。和顏視眾生。無愛患癡。故。得紺青眼相。睫如牛王相。有是相故。一切見者。無不愛敬。

四法品第十九。如所說得三十二相。諸業菩薩。應一心修習。修如此三十二相業。以慧為本。是故。退失慧四法。菩薩應遠離。得慧四種法。應常修習。有四法能退失慧。菩薩所應遠離。復有四得慧法。應常修習。何等

四法失慧。一不敬法。及說法者。二於要法。秘匿恡惜。三樂法者。為作障礙。壞其聽心。四懷憍慢。自高卑人。何等四法得慧。一恭敬法。及說法者。二如所聞法。及所讀誦。為他人說。其心清淨。不求利養。三知從多聞。得智慧故。勤求不息。如救頭然。四如所聞法。受持不忘。貴如說行。不貴言說。是為四若人不壞諸善報者。是人能捨失慧四法。能行得慧四法。是故求增益智慧者。如偈說。食善報四法。菩薩應遠離。增善報四法。菩薩應修習。何等是侵食善報四法。一懷憍慢。貪求世事。二著利養。出入諸家。三起憎嫉。誹諸菩薩。四未聞經。聞不信受。何等是增長善報四法。一所未聞經。求之無厭。所謂六波羅蜜。善報藏。二於眾生。除憍慢心。謙遜下下。三如法得財。趣足而已。離諸邪命。樂行四聖。種種行。四於他罪。若實不實。無有刺譏。不求人短。若於法中。有所不達。心不達逆。以佛為證。佛是一切智。其法無量。隨宜而說。非我所知。如是增長善報四法。非誦曲者。所能成就。是故菩薩應遠離。誦曲相四法。應常修習行。直心相四法。在家出家菩薩。應遠離四誦曲法。如曲木在稠林。難可得出。如世間有佛弟子。雖入佛法。不能得出。生死深林。何等為四。一於佛法。懷疑不信。無有定心。二於眾生。憍慢瞋恨。三於他利。心生貪嫉。四毀謗菩薩。惡聲流布。是為四。何等是四直心相。一者

永樂齋善事百首

四

有罪。即時發露。無所隱藏。悔過除滅。行無悔道。二者若以實語。失於王位。及諸財寶。猶不妄語。口未曾說。輕人之言。三者若人惡口。罵詈輕賤。譏謗繁聞。鞭杖拷掠等罪。但怨前身。不於於他。信業果報。心無恚恨。四者安住信功德中。諸佛妙法。甚難信解。心清淨故。皆能信受。敗壞菩薩行。四誦曲調和。菩薩有四五行。是故菩薩。欲不行誦曲相。欲行直心。如說。應捨離四種。敗壞菩薩法。應習修四種。調和菩薩法。云何名為四。敗壞菩薩法。一多聞而戲調。不隨法行。二於教化而生戲論。不敬順和上。阿闍梨。三者不能消人信施。毀壞防制。而受供養。四者不敬柔善菩薩。心懷憍慢。是為四。云何名為四。調和菩薩法。一常樂聞所未聞法。聞已能如所說行。依法依義。依如說行。二隨順義趣。不惑言辭。調和易化。於師事中。用意施作。三不失戒定。清淨活命。四於諸調和菩薩。生恭敬心。隨順情重。破憍慢心。求其功德。復次菩薩。有四種錯謬。常於此中。求菩薩短。是名敗壞菩薩。若能親近。四種善道。是名調和菩薩。如偈說。菩薩應遠離。四種菩薩謬。菩薩應修習。四種善道。何謂菩薩四種錯謬。一於非器眾。生說甚深法。是名錯謬。二樂深大法者。為說小乘。是名錯謬。三於正行道者。持戒善心。輕慢不敬。是名錯謬。四於未成就者。未可信而信。誦破成惡人。以為親善。是名錯

課。何等為四種菩薩道。一於一切來生。行平等心。二以善法教化一切。三等為一切來生說法。四以正行行於一切來生。若常行菩薩四種錯誤。不樂思惟諸法。不勤修習善法。則是像菩薩。是故。諸菩薩法中。四種像菩薩。佛說如是法。一應遠離。何等為四。一貪重利養。不貴於法。二但為名譽。不求功德。三求欲自樂。不念眾生。四貪樂眷屬。不樂遠離。是為四。問曰。像菩薩法。云何可捨。答曰。若菩薩應修菩薩初行功德。是則能離像菩薩法。是故菩薩。若欲離像菩薩法。如偈說。初行四功德。精勤令得生。生已令增長。增長已當護。何等為四。一者信解空法。亦信業果報。二者樂無我法。而於一切來生。生大悲心。三者心在涅槃。而行在生死。四者布施為欲成就眾生。而不求果報。若人欲生菩薩初行四功德。增長守護者。當親身善知識。如偈說。菩薩當親近。四種善知識。亦應當遠離。四種惡知識。菩薩愛樂阿耨多羅三藐三菩提者。應當親近。恭敬供養。四種善知識。當深遠離。四種惡知識。何等為四種善知識。一於來求者。生賢友想。以能助成無上道故。二於說法者。生善知識想。以能助成多聞智慧故。三稱讚出家者。生善知識想。以能助成一切善根故。四於諸佛世尊。生善知識想。以能助成一切佛法故。何等為四種惡知識。一求辟支佛來心。樂少欲少事。二

求聲聞乘比丘。樂坐禪者。三好讀外道路伽耶經。莊嚴文頌。巧問答者。四所親近者。得世間利。不得法利。是故菩薩。應親近四善知識。遠離四惡知識。若菩薩能遠離四惡知識。親近四善知識者。則得四廣大藏。過一切魔事法。能生無量福德。盡能攝取一切善法。問曰。何等是菩薩廣大藏法。何等是能過一切魔事法。何等是能生無量福德法。何等是能攝取一切善法。答曰。諸菩薩有四。廣人藏妙法。四攝諸善法菩提心為先。何等為四。一得值佛。二得聞六波羅蜜。三於說法者。心無瞋礙。四以不放逸心。樂住阿練若處。是為四。大藏能過一切魔者。有四法。何等為四。一不捨菩提心。二於一切來生。心無瞋礙。三覺知一切諸見。四於諸菩薩。心無憍慢。是為四。得無量福德法。復有四法。何等為四。一於法施無所希求。二於破戒惡人。生大悲心。三於教眾生中。發無上菩提。四於下劣眾生。而行忍辱。是為四。攝一切善法者。有四法。何等為四。一於空閑。不現矯異。常行。二行四攝。不求恩報。三不惜身命。護持正法。四種諸善根時。以菩提心為先。是為四。是一一四法。皆應廣解。於文煩多。故不廣說。今如佛所說。以偈略解。若菩薩欲得諸菩薩藏。欲過一切魔事。欲攝一切善法者。皆當遠離。二空繫。二障。二垢法。二瘡。及二坑。二燒。二病法。若菩薩欲得諸菩薩藏等。

永樂大典

卷一五八七四

功德者。應當遠離是諸二法。何等為二。虛空繫法。一貪著應路伽耶等經。二嚴飾衣鉢。二縛者。一著諸見縛。二貪利縛。三障法者。一親近白水。二疎遠善人。三垢法者。一忍受諸煩惱。二樂諸裡起知識。三瘡法者。一見他人過。二自藏其過。三坑法者。一毀壞正法。二破戒受供。三燒法者。一以穢濁心。而著袈裟。二受淨戒者。供給出家之人。有二病難治。一增上慢人。自謂能降伏心。二求大乘者。沮壞其意。若菩薩遠離如是等法。更有疾得阿耨多羅三藐三菩提法。則能疾得。又得諸佛辟支佛。阿羅漢之所稱歎。問曰。何等法是疾得阿耨多羅三藐三菩提法。何等是諸佛辟支佛阿羅漢之所稱歎。答曰。能行四諦相。疾得佛菩提。及行四法者。三聖所稱歎。何等為四諦相。一求一切善法故。勤行精進。二若聽受讀誦經法。如所說行。三默離三界如殺人處。常求超出。四為利益安樂。一切眾生故。自利其心。諦名真實不誑。得阿耨多羅三藐三菩提故。名為不虛。復有四法。為三聖稱歎。何等為四。一乃至失命。不為惡事。二常行法施。三受法常一其心。四若生染心。即能正觀染心。起染因緣。是染根者。何名為染。何者是染。於何事起。誰生是染。如是正憶念。知虛妄無實。無有決定信解。諸法空故。無有法。無所有法故。如是正觀。染因緣。不起諸惡業。餘一切煩惱。亦如是觀。善

永樂大典卷萬字會書

薩得是大人所稱歎法。離諸惡煩惱業故。心則具足。捨心者如說。具足捨於心。求世出世利。求此諸利時。心無有厭倦。是菩薩。具足捨法。欲行法施。行財施。利益眾生故。若求世間出世間諸利未得時。心無疲倦。世間利者。善解世間經書技藝方術巧便等。出世間利者。說諸無漏。極力覺道法。如說。如是求二利。心無有疲倦。以無疲倦故。能得諸深法。因從求經書。而能得智慧。具足知世間最上第一法。無疲倦者。疲倦名厭惡所學。若無厭惡則心無疲倦。若無疲倦。則求諸經藝醫方技術禮儀法則。皆無疲倦。世間治法。皆悉能知。是故能知上中下眾生。隨宜而引導。善解世間事。深

有慙愧心。隨宜引導者。於上中下者。各有所宜。慙愧者。自耻所行。名為慙。因他生耻。名為慙。有人以自作而羞。見他而愧。世間法中。愧為先用。如經說。二清白法。護持世間。所謂慙愧。如偈說。隨人有愧時。知法知罪福。無愧善人遠。無惡而不作。問曰。何故慙。慙教菩薩。善知世間宜法。答曰。菩薩若知世間法者。則於眾生易却悅入。化導其心。令住大乘。若不知世法。乃至不能教化一人。是故世間法者。則是教化眾生方便之道。菩薩如是知世間法。具足慙愧心。如說。加惡而敬養。何況利己者。有愧有恭敬。不輕笑善

者。是菩薩愧心多故。於諸惡人。常能恭敬供養。迎送問訊。何況善人。能利於我。有功德者。有規恭敬二心故。於諸賢善。少知識者。而不輕慢。作是念。有功德者。自隱於世。如灰覆火。鄙薄世法。不應輕賤。若我以小因緣。而輕賤者。即便得罪。復次。凡諸有所作。雖難能究竟。則於世間中。亦是不退相。是菩薩。凡有所作。若起塔寺。若設大會。若救罪人。如是等一切世間諸難事中。心無廢退。所造未成。要以種種諸方便力。身口心力。令得成就。不但佛法。有不退轉。世間事中。亦有不退轉。問曰。以何因緣。能成此事。答曰。有堪忍力者。則能究竟。如說。得大堪忍力。深供養諸佛。隨佛所教化。皆悉能受持。菩薩得堪忍力故。以是力。於諸佛供養敬禮。隨宜供奉。水服飲食等。又佛教化。若持戒禪定。若降伏心意。若實觀諸法。於是事中。堪任力。如人得利刀。宜應有益中用。不於無益中用。如說。以信悲慈捨。樂受無疲倦。又能知義趣。引導衆生心。愧堪受第一。深供養諸佛。住佛所說中。正行所十法。能淨治初地。是則菩薩道。若菩薩以信為始。後住佛教。則能淨治初地。是十法中。以信為初。信名於諸佛法因緣中。心得決定。又加好樂。何以故。是菩薩心性清淨故。得深根信力。有信力故。於衆生中。而生悲心。作是念。一切謹佛法。以大悲為本。我今一心好樂佛法。是故於衆

永樂真善喜官書

生中。應生悲心。此悲漸增。則成大悲。得大悲故。於衆生中。則生慈心。作是念。我應隨力。利益衆生。則成實悲行。慈利衆生時。即能行捨。內外所有。皆能施與。作是念。如我是物。為欲利益。安樂衆生。則成實慈。又諸衆生。信受我語。為欲行捨。求利財物故。堪受種種苦惱事。作是念。若有疲厭。則於世間。技藝經書。但作工巧。諸求財利因緣。則無所獲。是故應於世間。技藝經書等。無有疲厭。以堪受故。能知義趣。作是念。世間經書。以義為味。若人善知經書義味。則於世法。志能通了。能通了故。則能引導。上中下衆生。作是念。若人無有慙愧。則不能令衆生歡喜。為令喜故。當行慙愧。作是念。若無堪受。則不成世間出世間利。有堪受。故則能引導一切衆生。皆令歡喜。心歡喜故。信受我語。以信受故。勤行方便。而作唱導。作是念。若衆生供養佛者。則多所利益。欲令衆生。供養佛故。即自一心供養於佛。及形像舍利。衆生信受。則便隨放供養於佛。種人天因緣。住於三乘。菩薩如是。次行十法。則能淨治初地。

念佛品第二十 菩薩於初地。究竟所行處。自以善根力。能見數百佛。善薩。如是調伏其心。深愛佛道。如所聞初地行。具足究竟。自以善根福德力。故。能見十方現在諸佛。皆在目前。問曰。但以善根福德力故。得見諸佛。為

更有餘法耶。答曰。佛為跋陀婆。所說深三昧。得是三昧實。能得見諸佛。跋陀婆羅。是在家菩薩。能行頭陀。佛為是菩薩說般舟經。般舟三昧。名見諸佛現前。菩薩得是大實三昧。雖未得天眼天耳。而能得見十方諸佛。亦聞諸佛所說經法。問曰。是三昧者。當以何道可得。答曰。當念於諸佛。處在大象中。三十二相具。八十好嚴身。行者以是三昧。念諸佛三十二相八十種好。莊嚴其身。比丘親近。諸天供養。為諸大衆。恭敬圍繞。專心憶念。取諸佛相。又念諸佛。是大願者。成就大悲。而不斷絕。具足大慈。深安衆生。行於大喜。滿一切願。行於捨心。捨離憎愛。不捨衆生。行於諦處。常不欺誑。行於捨處。淨除性垢。行於善處。其心善寂。行於慧處。得大智慧。具行檀波羅塞。為法施主。具行尸羅波羅塞。戒行清淨。具行羣提波羅塞。能忍如地。具行毗梨耶波羅塞。精進超絕。具行禪波羅塞。滅諸定障。具行般若波羅塞。破智慧障礙。手足輪相。能轉法輪。足安丘相。安住諸法。手足網綬相。滅諸煩惱。七處滿相。諸功德滿。手足柔輭相。說柔和法。纖長指相。長夜修集。諸善妙法。足跟廣相。服廣學廣。大直身相。說大直道。足跟高相。一切中毫。毛上旋相。能令衆生。住上妙法。伊尼鹿蹄相。踰騰漸鹿。臂長過膝相。譬如金鏡。陰馬藏相。有法寶藏身。金色相。有無量色。皮細薄相。說細妙法。一一毛

相。示一相法。白毫莊嚴面相。樂觀佛面無厭。師子上身相。如師子無畏。肩圓大相。善分別。五陰腋下滿相。滿大善根。得味味相。具足寂滅。味方身相。破生死界。肉髻相。頭未嘗低敬。古大相。色如真珊瑚。能自覆面。梵音相。身相。至梵天師子頰車相。肩廣相。能破外道。齒齊相。行清白。齒平等相。平等心於一切衆生。齒密緻相。離諸貪著。四十齒相。具足四十不共法。紺青眼相。慈心視衆生。牛王膝相。膝長不亂。得希有色。樂見無厭。以此三十二相。莊嚴其身。八十種好。間錯映發。福德具足。威力殊絕。名聞流布。戒香塗身。世法所不動。諸煩惱所不滌。惡言所不汙。遊戲諸神通。諸佛如是。威力猛盛。無敢當者。以慧說法。如師子吼。如意自在。以精進力。破諸癡闇。以大光明。普照天地。諸問答中。最無有上。一切仰瞻。無下觀者。常以慈心。觀察衆生。念如大海。定如須彌。忍辱如地。增長衆生。所種福德。如水滋潤。能生衆生。諸善根力。如風開葭。成就衆生。如火熱物。智慧無邊。猶如虛空。普兩大法。如大密雲。不滌世法。猶如蓮華。能破外道。如師子持鹿。能舉重擔。如大象王。能導大衆。如大牛王。眷屬清淨。如轉輪王。世間最上。如大梵王。可愛可樂。如清天明月。普照。能然猶如朗日。與諸衆生。安樂因緣。猶如仁父。憐愍衆生。隨宜將護。猶如慈母。所行清淨。如天眞金。有大勢力。如天帝釋。





乘能令證須陀洹。斯陀含。阿那含。阿羅漢果。能令成就人天之中。所有富樂。是為一切第一利益。諸功德藏。如是正心。憶念諸佛。在閑靜處。除却貪欲。厭患睡眠。疑悔調戲。一心專念。不生障礙。夫定之心。以如是心。專念諸佛。若心沒當起。若散當攝。并見大衆。常如現前。未入定時。常應稱讚相好二事。以偈致佛。念心調習。如此偈說。世尊諸相好。何業因緣得。我以相及業。稱讚於大聖。足相十輪。清淨眷屬施。以是因緣故。賢聖衆圍遶。足下安立相。受善持不失。是故魔軍來。不能得毀壞。手足指網縷。身相紫金色。善行稱法故。大衆自然伏。手足極柔爽。身相七處滿。隨意食施故。多得自然供。長指廣脚跟。身膺大五相。離殺因緣故。乃至於劫壽。毛上向右旋。足趾隆高相。常進諸善事。故得不退法。伊泥鹿躡相。常樂讀誦經。為人說法故。疾得無上道。隨臂下過膝。一切所有物。求者無吝惜。隨意化導人。陰藏功德藏。善和離散故。多得人天衆。淨慧眼為子。薄皮耀金光。妙衣堂閣施。故多得妙衣。清淨房接觀。一孔一毛生。眉間白毫時。常為最上護。故於三界尊。身上如師子。兩肩圓而端。常行仁愛語。無有違反者。腋滿知味相。病施醫藥故。人天皆敬愛。身無有疾患。身圓肉髻相。和悅心施福。勤化剛強者。法王中自在。迦陵頻伽音。廣吉聲如梵。所言常實實。得大聖八音。先加以思慮。後言必有實。故得師子相。見者

水樂齋卷第五十四

皆信伏。齒白齊密相。所曾供養者。後常不輕故。眷屬心和同。上下四十齒。密緻不疏漏。無說不妄語。徒衆不可破。眼黑青白明。睫相如牛王。慈心和視故。觀者無厭足。難轉輪聖王。典主四天下。有是諸相好。光明不如佛。我所稱讚說。諸相好功德。願令一切人。心淨常安樂。菩薩又應以八十種好。念諸佛如此偈說。諸佛有妙好。八十莊嚴身。汝等應歡喜。一心聽我說。世尊圓纖指。其甲紫紅色。隆高有潤澤。所有無有量。膝平踝不現。雙足無邪曲。行如師子王。威望無等比。行時身右旋。安庠有儀雅。方身分次第。端嚴可愛樂。身堅柔儒軟。支節甚分明。行時不遙遙。諸根悉充滿。肌體極密緻。鮮明甚清淨。身形甚端雅。無有可訶處。腹圓不高現。齋深而無孔。其文右向旋。威儀甚清淨。身無有疵點。手足極柔爽。其文深且長。脗直有潤色。舌薄而不長。牙白圓膩利。唇色頻婆果。音深若鴻王。鼻隆眼明淨。睫相而不亂。眉高毛柔爽。端直不邪曲。眉毛齊而整。善知諸法過。眉毛色潤澤。善度潤衆生。耳滿長而等。不壞甚可愛。額廣而齊整。頭相皆具足。髮髻而不亂。如黑蜂王色。清淨而香潔。中有三種相。是名八十種好。以此八十種好。問辨莊嚴。三十二相。若人不念三十二相。八十種好。讚歎佛身者。是則永失。今世後世。利樂因緣。榜言上步更反下五之反。膺上恭天君抵下

直尼反 緹直利反 穎蘇胡反 醜魚谷反 琛  
胡尼反 臧利上息廉反 正作鋤 彌母函反

永樂大典卷之一萬五千八百七十四

永樂大典卷之一萬五千八百七十四

七

永樂大典 卷一五八七五